

NALSA (Protection and Enforcement of Tribal Rights) Scheme, 2015

BACKGROUND

Kum 2011 census-ah Scheduled Tribe zawng zawng zat chu 10,42,81,034 niin, ram chhunga mipui tam zawng ah 8.6 per cent nimahse, India ram chhunga tribal te hi chi tam tak awmin an inang lo tlang em em a. An tawng hman, tam lam leh khawsak phungah pawh an danglam nasa em em bawk. Census of India 2011 ah khan Scheduled Tribe chi hrang 705 awm anga tarlan a ni.

North East State pawh hi hnam hrang hrang an nih avangin ang khat awmkhawm an ni lo va. Hnam hrang hrang leh tawng hrang hmang hnam 220 vel bawr an awm. Hengho hi group thum-a then theih an ni - Tibeto-Burman, Mon-Khmer leh Indo-European.

Hnam thenkhat chu Particularly Vulnerable Tribal Groups (PVTGs) (a hma chuan hnam mawl tia hriat an ni thin) tiin tribal zingah an awmdan azira sawi fiah an ni thin. PVTGs-ah hian tunah hnam hrang 75 telin a hnuia tarlan ang hian: (1) khawsakna atan ram lama innhat, (2) huan leh lo nei lo, (3) mihring tam belh lo emaw tlem lam pan, (4) ziak leh chhiar thiam tlem (5) khawsakna azira chhungkaw inrelbawl. Kum 2001 census-ah khan heng PVTGs 75-zinga mihring tam lam chu 27,68,322 an ni. PVTGs zinga a tam ber chu heng State paruk Maharashtra, Madhya Pradesh, Chhattisgarh, Jharkhand, Odisha, Andhra Pradesh leh Tamil Nadu-te an cheng a. PVTGs-te hi tribal zingah pawh a bika ngaihtuah ngai an ni.

Zalenna hmuh hma kha chuan tribal-te hi hmun hrana awmin intodelh takin ramhnuai chhengchhe tak leh hmun hla takah te an khawsa thin a. Hmanlai thuneitute khan tribalho kha hmun hla taka la awm tir an duhin ramchhung mipuite nena inpumkhat tir kha an tum lo.

Zalenna hmuh hnuah erawh chuan Indian Constitution-te duangin tribal-te humhimna leh abik taka dan siam sak an ni. Planning Commission of India ten an hmalak nan Tribal SUB Plan (TSP) tih thlangin, Panchayati Raj Institution hnuiah the Provision of the Panchayats (Extension to Scheduled Areas Act 1996 (PESA) tih siam a ni bawk.

Tribal te khawsak phung tih hmasawnna atan theih tawp chhuah ni mahse, Scheduled Tribe (ST)-te dinhmun hi tlemte chauhin hma a sawn a. ST-te Human Development Index (HDI) hi midang zawng aiin a hniam zawk a. Hnam dang aiin ziak leh chhiar thiamlo tamin poverty line-ah pawh ST chhungkua an tam zawk. ST tan sawrkarah reservation hi dah ni mahse mipui tam lam sawrkar hnathawk zat hi a inmillo a ni. He ram thang zelah hian hnamdang aiin an dinhmun hi chhe bikin hmasawnna hi an thleng pha ve lo a ni.

Hengte avang hian NALSA-in Tribal mipuite tan Scheme siam sak ngaiin a hria a. Hemi atan hian, chinchang zir chiang tur leh rawtna pe turin Committee-te din a ni. Committee hian Hon'ble Executive Chairman, NALSA hnenah World Tribal Day denchhenin 9.8.2015 khan chanchin chipchiarin report an pe a. Tuna Scheme hman lai pawh hi Committee-te Report pek zulzuia siam a ni.

Scheme hmingah chuan “NALSA (Protection and Enforcement of Tribal Rights) Scheme, 2015” tih a ni.

THIL TUMTE

He Scheme hian India rama Tribal chengten rorelna dik an neih theihna atan hma a la ang. Rorelna dik hian heng dikna chanvo, hamthatna, dan lama tanpuina leh a dangte huam vekin, ramchhunga tribal ten Constitution of justice, social, economic leh political-te hi awmze nei taka an hman theihna atan a ni.

Tribal tana legal rights duan hrang hrangte chu a hnuai ami ang hian :

- The Scheduled Tribes and other Traditional Forest Dwellers (Recognition of Forest Rights) Act, 2006- (**FRA**)
- The Scheduled Caste and Scheduled Tribes (Prevention of Atrocities) Act, 1989,
- The Right of children to Free and Compulsory Education Act, 2009,
- The Right to Fair Compensation and Transparency in Land Acquisition, Rehabilitation and Resettlement Act, 2013,
- Panchayats (Extension to Scheduled Areas) Act 1996- (**PESA**) and
- Fifth and Sixth Schedule of the Constitution of India.

Hengte hi khauh taka hman anih loh chuan, an legal rights bawhchhiatna a thlen thei a ni. Heng bawhchhiatna hi tribal ho enhranna tlentu a ni.

He scheme hian heng legal right te hi bawhchhiat tir loh a tum tlat a ni.

PLV, Legal Services Clinics, Front Office, Panel Lawyers leh Retainer Lawyers tihte hi National Legal Services Authority (Free and Competent Legal Services) Regulations, 2010 leh National Legal Services Authority (Legal Services Clinics) Regulation, 2011 leh the NALSA Schemes for Para Legal Volunteers (Revised) leh Module for the Orientation – Induction- Refresher Courses for PLV Training-a mite nen a inang.

Part I

An overview of the issues of Tribal People

A. Vulnerability Issues

1. Tribal ho zingah lehkha thiamlohma hi a chhan ber niin, hei vang hian an fundamental rights te, legal leh statutory rights te an hriat loh phah a. Anmahni hamthatna atan sawrkari scheme hrang hrang a duante pawh an hre lo.
2. A chhan dang lehah chuan sawrkari scheme a duanteah engmah hmalakna awmlo hi a ni. Amaherawhchu, tribal-ho tana programme duanah hmalak loh chhan chu tribal ho awmna hmuna thawk thiam awm loh vang a ni.

3. Tribal awmna hmuna ralhuam hmanga intihbuainain North East pumpuiah nghawng neiin hamthatna atan scheme siamtea hmalakna kawngah leh dan lam chungchangah NASA takin harsatna a siam/thlen a.
4. Hman deuh khan tribal ho awmna hmunah state police leh paramilitary forces-te chu human rights bawhchhiaa puh an ni, a dera inbeihna leh pawngsual telin.
5. Tribal mi tamtakte chu Maoists-a puhi jail-a khung an ni a, mi tam tak phei chu an hming charge-sheet-a awm si lovin ni tam tak jail-a khung an ni bawk. An case hi India laka indona neih tum te, sawrkar laka hel tumna leh adangte niin a thutak em avangin bail pawh phalsak an ni lo.
6. Anmahniho hi dan zawm lo ni mahse rorelna dan kalmang hriat ngai loh avangin tribal mipuiin court an hlauh phah a. An ngaihdanah chuan Schedule Caste and Schedule Tribes (Prevention and Atrocities) Act, 1989 hi tribal mipuite venhimna atan a awm lo.
7. Pem kual thin ten sawrkar atanga welfare scheme hmuh kawngah harsatna an tawk thin. A thente phei chu hmu thei tur zingah an tello hrim hrim.
8. PVTGs te 'mawlna' leh 'hnufualna' kawngah thudik hriat hmaa lo suangtuah lawkna emaw ngaihruatna a awm a. Sawrkar hian heng tribal-te hnufualna leh hnam mawl nihna kawngah hian ngaihruatna neiin heng hnamho zia leh chin than hlutna tihkiam sak a pawimawh hle.
9. PVTGs leh Scheduled Tribes (STs) tam takte chu ramhnuiaia khawsa thin niin an khawsakna atan pawh leilung leh ramhnuiaia thil awmte ah an inghat NASA em em ani. An chenna hmun pawh Reserves Forest, Protected Forest tia puangin zangnadawmna tellova luahlan leh hnawhchhuah theih an ni lo.
10. PVTGs list-a hnam zawng zawngte ST nihna dinhmun pek phal an ni lova, Fifth Schedule leh the Provisions of Panchayat (Extension to Scheduled Areas) Act, 1996 hnuiaia humhimna leh dikna chanvo tlachham hnam titamtu an ni.
11. PVTGs tan FRA a hmalak a harsat chhan chu an awmna chungchang hi sawifiah a nih loh vang leh Forest Department ten an hriatchian loh vang a ni. PVTGs te dikna chanvo, a bik takin FRA hnuiaia habitat rights chungchange hmalakna dinhmun national level-ah chanchin kimchang leh data pawh a awm lo.
12. North Eastern State-te hi ran thenawm Bhutan, China, Myanmar leh Bangladesh-te nena inrinna laia awm anih vangin misual, drug smuggling, arms smuggling leh a dangte lo luhna atan a ti awlsam.

13. A chhan dang leh chu human trafficking hi a ni. Central India leh Assam-a tribal chengte hi trafficking lam tuar nasa an ni.
14. A dang lehah chuan, tun thlengin executive leh judiciary lam thenhran a la ni lo va. Sixth Scheduled hnuia institution dinhoten customary law an kal puia, amaherawhchu, kawng hmang neia siam anih loh vangin harsatna an nei thin.
15. North East-ah helna leh dan lamah harsatna a awm avangin hemi chungchangah hian rinnna a awm lo. Thawk khat lai phei kha chu mipui kutah rorelna dahin ‘mipui rorelna’ tia vuahin khawtlanga harsatna thlen thin nia rinhlelh/puhte chenna in tihchhiat sak leh khawtlang atangin an ensan bawk thin. Doctor te leh damdawi ina damlote enkawl kawngah dawngdah nia puhte pawh an zuah chuang lo.
16. Tribal ho hmun kilkhawra awmte leh thingtlanga awm ho zingah ‘dawithiam’ ring an la awm a ni.
17. Tribal hote hi zahawm taka en an nih loh avanngin an indah hrang thin. Entirnan, Andaman Island-a Jawaras hnamte hi tourist ho-in ramsa ang maiin an enin; zawng/ramsa ang maiin an chhaihin an nghaisa thin a, an thinrim pawhin fiamthu mai maiah an ngai thin. Hetiang tho hi Baster-ah pawh an lo tawng tawh a ni.

B. Land Related Problems

1. Ramhuai leh tlangte hi tribal ho hriatna pakhat a ni. Hetah hi chuan ramhuai tihchhiat avanga tribalte chenna tihchhiat hi kan hriathampui a pawimawh. Tribalte hi an ram, chenna, khawsakna, political lam, hnam zia, zahawmna leh nihna te hi chhuhsak niin leh hmasawnna atana hamthatna leh dikna chanvo hmu tura hnawl an ni bawk.
2. Resettlement and Rehabilitation (R&R) programme hnuiah ram hi thleng ni lovin khawsakna kawngah thuam that an ni. R&R colonies zawng zawng deuh thaw-in hriselna lam, tui thianghlim in tur, mamawh lamna hmun, school leh inkalpawhna lam an tlachham a.
3. An innghahna atan ramhuai an hmanna tlangpuite chu eitur hmuhna atan, lo leh huante neiin, thei, pangpar, intihhlimna, damdawi atan hnimhnah, ran chaw, insakna atana hmanrua lak nan, thil siamna atan leh hrakh tur siamna atan, thing tuah tur zawrh tur lakna atan te. Heng zawng zawngte hi luahlanna avanga chanin, zangnadawmna an pek leh si loh avangin ei leh in tur lamah nasa takin nghawng a neih phah a ni.
4. A tam zawk chu ramhuai hmun a ni a, tribal ho zingah a tam zawk chu ramhuai hmun pilril takah awmin chanvo, nihna, ram itna pawh nei lovin an khawsa a. Heng tribal, in leh lo neilote tan hian “The Scheduled Tribes and other Traditional Forest Dwellers

(Recognition of Forest Rights) Act, 2006" hnuiah hian an dikna chanvo atan humhimna dan engmah siam a ni lo.

5. Tribal mipuite tana harsatna dang awm leh chu, hmasawnna atan project siam hi a ni. Chungte chu - tuikhuahna siam, Forest sanctuaries, thil laichhuahna khur siam leh a dangte. Heng hmasawnna atana ruahmanna siam avangin hnathawk tur atan non-tribal ho lak thin niin hei hian tribal te chu hmun danga insawn lo thei lovin a siam thin. Hei vang hian, tribal ten hmasawnna atana project siamah hlawkna an nei ve thin lo.
6. Tribal ho hnawhchhuah leh sawn chhuah an nih thin chhan ber chu leiba ngah lutuk vang a ni. Tribal ho leiba ngah lutuk vangin hnathawk tura chhawr an nih phah thin (sum tam taka a pung puk tir turin an bum thin).
7. A dawt lehah chuan, Gram Sabha tih hausakna tur 'Scheduled Areas-a ram inchhuhsakna laka invenna atana thuneihna leh Scheduled Tribe ho ram danlo taka chhuhsakte chunga hma lak' kawngah dan PESA bawhchhiatna a awm thin. Ram inneih sak lamah chuan, ram huam chin Gram Sabha te remtihna la tura rawn ngei ngei tur a ni. Amaherawhchu, Gram Sabha-te hi hriattirna thawn an ni ngai lo va, an remtihna hming ziak pawh lak a ni ngai hek lo.
8. The Right to Fair Compensation and Transparency in Land Acquisition, Rehabilitation and Resettlement Act, 2013 hnuiai tribal-te zangnadawmna pek chu a bei thamin, khawsakna dinhmun pawh a chhe hle a ni.
9. Harsatna dang awm leh chu tribal mipuiten ram lamah mimal dikna chanvo aiin khawtlang dikna chanvo an rin zawk avangin ram chungchanga intihbuaina thu hlaah a neitu hming ziak hmuh tur a awm ngai lo. Hemi chungchanga tribal mipuiho phutna hi tawngkam mai anih avangin mimal dikna chanvo siamsak kawngah buaithlakna tam tak a awm.

C. Legal Issues

Tribal mipuiten dan lama harsatna an tawte chu ahnuai ami ang hian –

1. Protected Areas (PA) atanga tribal ho luahlan an nih hmaa an dikna chanvo pawmpui a la ni tluang tling lo va. FRA hnuiah tribal mipuite hnawhchhuah an ni thin. Hei hian an eizawnna kawngah ramhnuai lama an thiltih thinah nasa takin a tlakhniam tir a ni.
2. FRA chungchanga Forest Department lam ngaihdan diklo avangin an dikna chanvo chungchangah dan an bawhchhiat phah a. Entirnan, FRA-a section 4(2) thenkhatah chuan FRA hnuiai Protected Areas (PA) ah dikna chanvo a chuh theih lova, Tiger Reserves-ah phei chuan FRA hi hman theih a ni lo.

3. Tribal hovin chenna hmun tur an phut avanga buaina thleng thenkhatte chu :
 - * Habitual rights kaihhnawih sawifiahna leh awmzia an hriat chian lohte;
 - * chenna chungchangah hrilhfiahna tam lutuk, a bik takin PVTG group ni lote nena ram intawm tam lutuk;
 - * PVTGs chenna ramriin ransate chenna hmun a pelhin; leh
 - * Heng mite zingah an thil phut chungchang sawifiah thiam an awm lo.
4. FRA hnuiai thil phutte, finfiah leh dan chungchangah hmeichhe ho zingah awareness nei thei tura rin a ni.
5. Tribal mipuiten FRA hnuiai an thil phutte hi chhan leh vang awm lo emaw ramhnuiai cheng ve midangte nena thu inhriat thelh vang emaw GPS survey lamah fiahna awmloh vangte emaw ramhnuai anga ngaih loh vangte emaw ramhnuai lama bawhchhiatna awm an hriat chauhte chu fiahnaa an ngaih vanga hnawl an ni thei.
6. Hnawl sak an nih thu hi phuttute hrilh leh an ni thin lova, an dikna chanvo anga khing let thei an nih thu pawh hrilhfiah an ni ngai lo. Hemi anih avang hian tribal mipuiten an dikna chanvo an humhim theih nan awareness neihpui an mamawh em em a ni.
7. FRA a Section 3 (1) (m) anga zangnadawmna tel lova development project atana dan lo tak a hnawhchhuah emaw luahlan an nih chungchange rights an neihah pawh hmalakna engmah a la awm lo.
8. Gram Sabha te nena in rawnkawmna mumal tak awmloh vang leh tlai thar chungchange neitu nihna dinhmun hriat lohna vangte a ni.

D. Other legal issues

1. Tribal mipuite lakah dan bawhchhiat chungchangah thubuai thehluh thin niin non-tribal zingah ram neih tumna laka hel leh development project siam tur dodal thinte chungah pawh thubuai thehlut thin a ni. Kum 2005 leh 2012 inkarah pawh 95% percent lai hetiang thubuai behchhan mumal awmlo hmuh niin rorelnain thiam chantirin tihtawp a ni.
2. Habitual Offenders Act, 2000 vang hian De-Notified Tribes ho zingah inthliarhranna, tharum thawnha leh police-te nunrawng taka chetna te a khat tawka hriat tur a awm reng.
3. Andaman and Nicobar-ah chuan, ‘Jawara’ hnam ho ten mipat hmeichhiatna lama tihdudahna an tuar nasa em em a. Heng hnam ho hi anmahni remtihna la hmasa lovin DNA test-na atan an thisen pe turin an ti thin a ni.

4. Planning Commission tana zirchianna neihnaa tarlan danin inhlawhfa siamthat zinga 43.6 percentage chu Scheduled Tribe an ni. Hemi atanga a lan danin tribal chhungkaw tam takte chu sal anga tang an ni. Hei hi a chhan chu leiba vang leh lei leh in tur vang a ni.

E. Issues related to education

India ram chhunga tribal mipuite zingah zirna lam chuan hma an sawn a, amaherawhchu harsatna thenkhat awm a la awm. Zirna lam harsatnate chu -

1. Zirna in tam takah zirtirna pekna atana mamawh ang a awm lo.
2. Bungrua leh naupang inziak lut chu awm mahse, an awmna hlat vang leh retheihna vangin school kal that lamah harsatna a awm.
3. Zirtirtu awm lohna a tam.
4. Naupang zirtirna pek kawngah a chhe hle a, pawl 10 pal tlanglo an tam hle bawk.
5. Mipa leh hmeichhe zingah inthliarna a awm. Hmeichhia ten lehkha an zir ve theihna atan nasa takin he inthliarna titawp tur hian hmalak a ngai a ni.
6. Tribal zirlai naupangten admission an hmu thei anih pawhin, fiamthu thawh nan nasa taka an hman thin avangin an phurna a ti bo thin. Hei vang hian high school-ah tam tak an phah fo. North East atanga tribal zirlaite tihmingchhetute hming pawh chiang taka hriat an ni.
7. Tribal hmeichhiate tana residential school thenkhatte chu chanchintharah eirukna te, bungraw enkawl tha lote leh heng hmeichhiate mipat hmeichhiatna lam hman khawloh sak chungchangte tih lan thin a ni.
8. Pemkual hnam an nih avangin, sawrkarin a thlawna zirna an pek thinte an dawn theih loh phah fo thin.
9. India ramchhunga tribal chengten anmahni hnam tawng theuh an nei a. Amaherawhchu State tam takah chuan, classroom-a zirtirna pekna atan tawng hman bik an nei thin, hei hi tribal naupangten an hrethiam thin lo, a bik takin pawl hniam lamah.
10. Zirna kawnga buaina a awmloh nan zirtirtu ten traibal naupang zirtirna an pekte tawng leh hnam dan hriat chian hi a pawimawh hle. Entiran, hmun hran atanga lo kal tan chuan midang tawng hman Gondi leh Halbi an district tawng hman tin chu an hrethiam ve dawnlo a ni. School-a zirtirtu pawhin he tawng hi a hrethiamlo thei.
11. Tribal naupangte chu tuna zirtirna pek angah hi chuan harsatna an tawk mai thei a ni.

12. Tribal ho zingah ziak leh chhiar thiamlo tam chhan chu zirna chungchangah chhungte leh khawtlang inrawlh loh vang leh zirna in tha tam tawk loh vang a ni. Tribal mipuiten zirna atanga hamthatna chungchang engmah an hre lo.

F. Health issues

Tribal mipuiten hriselna kawngah harsatna chi hrang hrang an hma chhawn thin -

1. National Health Model hi non-tribal area atana duan a ni. Rinna hrang hrang, natna tawrh hrang hrang, leh hriselna atana an mamawh leh mi chi hrang hrang, ramhnuai leh hmun hrangin a hualte a huam lo.
2. Tribal chenna hmun atana hriselna lam hnathawk duh an awm lo. Hriselna lam enkawlna atan health sub-centre, PHC leh CHC te din nimahse, hman a ni lo.
3. Tribal chenna thenkhatah hnathawktute nelawm loh vang te, tawng inhriatlo vang te, in kalpawhna awm loh vang te, ziak leh chhiar thiam lo leh hriselna lam ngaihven tlem vang tein health care institution awmsa pawh hman anih loh phah.
4. Hriselna lamah hma la a, dan siam turin ST mi leh sa emaw an aiawh emaw an awm loh avangin midang duhsakin a tawp mai thin.
5. Tribal awmnaah zu, zuk leh hmuamin nasa takin nghawng a nei a, hemi tirehna atan hian hma lak nasat a tul hle.
6. Tribal thenkhatten dan hriat lohna avangin naupang kum tling lo pasal neih tir ching an la awm a, hei hian an hriselna kawngah a nghawng a ni.
7. Tribal-in natna laka inenkawl kawngah an hnam tihdan ang la kalpuuin, tunlai damdawi ringlo tam tak an la awm a, enkawl dam theih pawh nise hei hian nunna a chan tir phah fo.
8. Jawaras hnamte hi pawnlam atangin natna an kai awlsam bik. Zin mite avangin natna chi hrang hrang an vei thin. An hmeichhiate leh naupang te hi mipat hmeichhiatna hman khawloh sak an nih thin a, hei hian natna tam tak tribal hovin an tihdam theih loh an kai phah thin.
9. Sawrkarin immunization programme an buatsaiah thin hian tribal ho chenna a thleng pha ve lo.
10. Tribal ho hi eitur tha chawm an ni lo. PVTGs te awmna hmun hi kalpawh theih loh anih avangin chaw tha semna hmun Anganwadi Centre kal pawh a awlai lo hle. Chu bakah, an awmkhawmna hmun hi Anganwadi Centre hawnna atan te lutuka ngaih a ni. Hemi avang hian naupang ten sawrkar atanga eitur tha sem an dawng pha ve lo thin.

11. Tribal mite hi ram vak thin an ni a, chutih lai chuan an hnenah eitur tha dang pe silovin sa kah phal lohna dan an duang a, hei hian heng hnam zingah chaw tha ei tur an hmuh loh phah thin.
12. Tribal awmna hmunah tui lamah harsatna an tawk lian em em.
13. Inthahna leh tharum thawhna rapthlak tak vangin rilru lama chian lohna a thlen.
14. Lehkha thiam tamna hmun, North East-ah thalai thiamna nei ten hnathawh tur an hmuh loh vangin mental depression leh mahni intihlumna a hluar phah.
15. Damdawi hmansual avanga natna HIV/AIDS leh rilru lam chian lohna hi North Eastern state zingah ‘Golden Triangle’ bul hnaia awmten an vei nasa hle. Ketamine, Pseudoephedrine leh damdawi dangte heng hmunah hian hrakh ruk thin niin damdawi hmang sual thin chhungte chungah nasa takin a nghawng a ni.

G. Livelihood

1. Tribal ho zingah tunlai thiamna leh zirna an neih loh avangin an khawsakna atan anmahni thiamna an hmang thin a, chung chu a hlawk lo a ni.
2. Mi tlemte chauh ram nei lo awm mahse, a nei chhunte ram neih pawh eitur hmuhnha khawp a ni lo.
3. Tawng leh hnam tihdan danglam avangin tunlai lo neih dan leh kalhmang an hre lo.
4. Hmun kilkhawra cheng an nih vang leh midang laka an inkiltawih avangin an thil thar chhuah man mumal pawh an nei thei lo.
5. An awmna hmunah lirthei leh inbiakpawhna tam tawk loh vanga leh heng thil an hman hreh avang hian an thil thar chhuahte man hmuh chhuah kawngah an hlawhchham thin.
6. An hnam chin than, kum tina lo neihna sawn hi khawsakna atan an la hman avangin below poverty line ah an awm phah.
7. Hmasawnna atana hnathawh nan ram lak sak an ni emaw ram chhuhsak an ni emaw ramhnuia thil lakkhawm phal loh emaw hian tribal mipuiho te damkhaw chhuahna tur engmah hnutchhiah an ni lova, retheihna leh tam chiah an hmabak.

Part-II

Role of Legal Services Authorities

A chunga kan hmuh angin State Legal Services Authority ten tribal mipuiten dan an hman tangkai theihna turin hnathawh tur pawimawh tak an nei a. State Legal Services Authority (SLSA) ten tribal ho leh sawrkar leh dan lampang inkar siamthat hna an thawh angai a ni. SLSA ten Rule of Law a awm a ni tih an chian ang. Tribalho zingah dan lama an rinna nghah tir leh, rule of law sawt taka hman hi a pawimawh ber a. SLSA ten heng huam chhungah hian hnathawh dan tur an zawng ang.

SLSA ten a hnuia mi ang hian hma an la ang.

A. Litigation related

1. Tribal mi ngei atangin panel lawyer a din ang a, chungho chu hlawh tha tawk tak a pe ang.
2. Tribal mite hnenah inkhinna leh thubuai danga dan lama puihna tha tak pein, tribal-te dikna chanvo leh hmakhua tur venhim anih theih nan pawisa chawi pawhin senior lawyer rawihsak tur an ni.
3. Rorelna hi Hindi leh English-a kalpui thin niin tribal mi rethei ho chu lawyer-te zahngaihna hnuia awm, judge-te pawh anmahni hnam ni lo an ni. Hengho hi dan mamawhtute niin SLSA ten an puih a ngai a ni.
4. Tribal te court-a an kalin panel lawyer ten dawhthei takin an kalpui ang a, tihdan kalhmang leh dante an hrilhfiah ang a, hei hian dan kalphunga an rinhlelhna a ti tlem ang a; court kalhmang hriatna lamah NASA takin a pui dawn a ni.
5. Panel lawyerte`n court pangngai leh an hnamin rorelna an kalpui dan chungchanga hriatthiamloh an neihna lai hrilhfiahin, rorelna tluang taka a kal zel theih nan an pui ang.
6. Panel lawyer ten jail tlawhin bail lova rei tak tang tawhte chungchang chinfelna atan leh charge siam sak loh tangte bawhzuia an chhuah hma theih nan legal services clinic hawn nise.
7. Panel lawyer ten para legal volunteers-te puihnain tribal mi ram laksakten zangnadawmna an hmuh theihna atan theih tawp an chhuahpui ang.
8. PLV-te puihnain tribalho awmna hmuna zirna leh hriselna lama inenkawlna zawnchhuaha harsatna, thil mamawh leh dan lam mamawhte en thlithlaiin, dinhmun azirin hmalak tur a ni.
9. Full time secretary/judicial officer ten heng harsatna tawh chungchangah leh puihna tha tawk tak pek an nih tur thu tichiang turin helai hmuna mi tu emaw biangbiakna a nei ang.

10. Tribal mi tupawhin court-ah khinna a tawk anih chuan, chumi chu Sate Legal Services Authority ten an zawng chhuak ang a, a laka thubuai an thehlut chungchang, zawnha an zawn atanga tanin dan lama puihna pangngai tak an pe ang.
11. Tribal lawyer-te tlawh theihna tur hmunah SLSA ten legal services clinic an hawng ang.
12. SLSA ten tribal-te awmkhawmna hmuna awareness thehdarhna atan chauh ni lo, criminal, civil, revenue emaw forest right lama puihna pekna atan Multi Utility Vehicle te an hmang tangkai tur a ni.
13. SLSA ten sawrkar department an thawhpui ang, entirnan, forest department laka zangnadawmna phut chungchangah inremna atan.
14. Tribalte puihna pekah hian civil leh criminal chungchangah pawh High court-a ziaka thubuai thehluh kawngah a pui bawk ang. High Court Legal Services Committee ten lawyer inpe zo takte emaw tribal ho chungchang hrithiam tak leh tribal mipuite a mala be thei tur a ruat ang.
15. A tul apiangin Hon'ble Executive Chairman, SLSA remtihpuinain Social Justice Litigation lak luu a ni ang.

B. Para legal volunteers (PLVs)

1. District Legal Services Authority tin ten statistical hmang leh Sawrkar department dang puihnain tribal ho chenna district an zawng chhuak ang a, Para Legal Volunteers te kaltlangin an awmna hmun thlen tur a ni.
2. Tribal mipuite rin zawng ni tur te, mi zawng zawng harsatna hre tur leh awareness programme neih laia tha taka kawm an nih theih nan tribal zing atanga para legal volunteers tur thlan hi a pawimawh. SLSA ten heng hnam zing atangin para legal volunteers rual a buatsaih ang a, DLSA-a Full Time Secretary-in a enkawl ang.
3. Chung PLV-te chu hnathawh tur ruatsakah tha taka an thawh theih nan training tha tak pek tur a ni.
4. SLSA ten PLV-te kaltlangin tribal ziak leh chhiar thiamlo ten dan lama puihna atana form fill up kawngah leh sawrkarin hamhatna scheme hrang hrang a siam dilna kawngah an tanpui ang.
5. Legal Services Authority ten Para Legal Volunteers te hmangin tribal te hriselna lamah tanpuina a pe thei ang. Hetiang mamawh tak takte chu Para Legal Volunteers te tanpuinain leh local Legal Services Authority te puihnaa zawng chhuakin hriselna lama tanpuina leh medical scheme hrang hrang dawng thei tura puih tur.

6. He scheme Part - 1 a tarlan angin tribal miipuiten school, zirtirtu nei lo, leh tribal naupangte tihdudah leh a dangte chungchanga thuneitute dawrtu atan PLV te hi hman tur a ni.
7. Human trafficking chungchanga a tuartu zawn chhuah leh victim compensation leh scheme dang awmte dawng thei tura tanpui turin PLV te hi an tangkai thei.
8. Naupang bumna tawk (trafficked) chhanchhuah an niha Child Welfare Committees (CWCs) hmaa hruai an nihin PLV ten an pui ang a, an chhungte zawn chhuah kawngah CWC-ten an pui bawk ang.
9. Victim-te court-a finfiah an nihin PLV ten an awmpui ang.
10. PLV-te chu tribal te leh panel lawyer-te inkar siamthatu niin an thubuaite hriatthiam saka court pawhin a ngaihthlak theihna turin an pahnih hian puihna a pe ve ve ang.
11. Tribal te chu State chhunga hmun kilkhawr leh mi tlemte chauh awmna hmuna cheng pawh nise traibal te, tana eitur leh ration-te chuan an hnen a thlen leh thlen loh fiahna atan PLV-te chu sawrkar leh tribal mipuite aiawhtu a ni ang.
12. Tribal ho zingah an ram neihna lehkhaa finfiahna tur a awmlo tlangpui thin, hemi avang hian zangnadawmna leh mahni kea ding leh thei tura dinhmun siamsak kawngah dan lama puihna an mamawh a ni. PLV ten an lehkha neih zawng zawng lakhawm tur leh fiahna engpawh nei turin an tanpui ang.
13. PLV ten jail tlawhin tangho hnenah an case chungchangte zawtin DLSA-a Full Time Secretary hnenah an chanchin reportin bail-a an chhuah theih nan emaw an case chungchanga hearing neihna atan hma an la ang.

C. Awareness

1. Tribal awmnaa awareness programme buatsahih chu hmun danga mi nen a danglam tur a ni. Hetiangah chuan Audio Visual Mode hi a tangkai viau thei. Awareness neihnaah tribal an tel ve a ni tihcianna atan lam, dram leh a dangte telh nise. Tribal hnam hrang hrangte zai leh lam pawh telh nise. Tribal ho awmna hmuna awareness programme buatsaihah hian an harsatna leh sutkian dan tur sawiho turin dan hremi rawih nise.
2. Tribal zingah forest law leh dan hrang hrang bawhchhiate chan tur chungchanga legal awareness thehdar a ngai a ni.
3. SLSA ten tribal zingah zirna atanga hamthatna awm thei te, an dikna chanvo leh sawrkar scheme hrang hrang leh hamthatna an hnathawhna kawnga hmasawnna atana pui thei tur chungchangah legal awareness programme an buatsahih ang.

4. Tribal hnenah an fate zirna pek a, sawrkarah leh mimalah hna an hmuh theihna atana hauhsak an nih thu hrilh hriat tur a ni.
5. Tribal awmna hmunah naupangten school nuam an tih theihna turin school legal literacy club din nise, chu chu zirlai naupang dangte leh zirtitute fuihna ni pah bawkin.
6. SLSA ten sawrkar leh NGO-te puinhain audio visual mode hmangin leh tun lai lo neih dan hlawk takte entirin training buatsaih nise.
7. Tribal awmna hmunah tui thianghlim in chungchang te, ei tur tha leh nu, naupai leh immunization programme chungchangah hetiang lama thawk thin NGO te nen medical awareness programme buatsaih nise.
8. SLSA ten thingtlangah radio kaltlangin indaidanna chungchangah hma an la ang.